



**SURAT EDARAN PENTADBIRAN
BILANGAN 5 TAHUN 2017**

**PENGUNAAN MODUL PENAMATAN
PERKHIDMATAN SISTEM MAKLUMAT PENGURUSAN
SUMBER MANUSIA (HRMIS) BAGI URUSAN
PERSARAAN WAJIB, PERSARAAN PILIHAN DAN
KEMATIAN DALAM PERKHIDMATAN
DI UNIVERSITI TEKNIKAL MALAYSIA MELAKA (UTeM)**

Pejabat Pendaftar
6 Februari 2017

Disalinkan kepada:

Naib Canselor
Timbalan Naib Canselor (Akademik & Antarabangsa)
Timbalan Naib Canselor (Penyelidikan & Inovasi)
Timbalan Naib Canselor (Hal Ehwal Pelajar)
Penolong Naib Canselor (Jaringan Industri & Masyarakat)
Penolong Naib Canselor (Pembangunan & Pengurusan Fasilitas)
Pegawai-Pegawai Kanan

SURAT EDARAN PENTADBIRAN BIL. 5/2017

PENGUNAAN MODUL PENAMATAN PERKHIDMATAN SISTEM MAKLUMAT PENGURUSAN SUMBER MANUSIA (HRMIS) BAGI URUSAN PERSARAAN WAJIB, PERSARAAN PILIHAN DAN KEMATIAN DALAM PERKHIDMATAN DI UNIVERSITI TEKNIKAL MALAYSIA MELAKA (UTeM)

1.0 TUJUAN

Surat Edaran Pentadbiran ini bertujuan untuk memaklumkan kepada semua staf Universiti Teknikal Malaysia Melaka (UTeM) mengenai keputusan pihak Universiti atas perakuan Mesyuarat Lembaga Pengarah Universiti Bil. 6/2016 yang bersidang pada 16 Disember 2016 telah bersetuju untuk menerima pakai Surat Edaran Jabatan Perkhidmatan Awam (JPA/PEN(S)228/25/11 Klt.2 (1) – Penggunaan Modul Penamatan Perkhidmatan Sistem Maklumat Pengurusan Sumber Manusia (HRMIS) Bagi Urusan Persaraan Wajib, Persaraan Pilihan Dan Kematian Dalam Perkhidmatan di Universiti Teknikal Malaysia Melaka (UTeM).

2.0 LATAR BELAKANG

2.1 Pihak JPA telah mengeluarkan arahan bagi menegaskan penggunaan Modul Penamatan Perkhidmatan melalui HRMIS bagi urusan Persaraan Wajib, Persaraan Pilihan dan Kematian Dalam Perkhidmatan yang akan dinilai di dalam Petunjuk Prestasi Utama (*Key Performance Indicator* (KPI)) HRMIS bagi tahun 2016. Memandangkan pengeluaran surat arahan dan Kamus KPI HRMIS tahun 2016 telah diedarkan serta disusuli dengan program latihan bagi penggunaan Modul Penamatan Perkhidmatan kepada Kementerian/Pejabat Setiausaha Kerajaan Negeri (SUK)/Jabatan dan Agensi, maka JPA menerima penghantaran dokumen secara manual (selain HRMIS) dalam tempoh peralihan itu. Pengecualian ini diberikan dengan mengambil kira proses faedah persaraan tidak sepatutnya tergendala dari apa sudut pun sama ada melalui pemakaian secara manual ataupun HRMIS.

3.0 PELAKSANAAN

- 3.1 Mulai dari **1 November 2016**, semua urusan Persaraan Wajib, Persaraan Pilihan dan Kematian Dalam Perkhidmatan hendaklah dihantar melalui HRMIS dan tiada sebarang pengecualian akan diberikan bagi tujuan penilaian KPI HRMIS. Sebarang dokumen yang dihantar selepas 1 November 2016 tanpa melalui HRMIS tidak akan diproses (Persaraan Wajib dan Kematian Dalam Perkhidmatan) atau diluluskan (Persaraan Pilihan) serta akan dipulangkan semula kepada Jabatan.

4.0 PEMAKAIAN

- 4.1 Pemakaian Surat Edaran ini meliputi semua Kementerian/ Jabatan/ Agensi Kerajaan di Peringkat Persekutuan, Negeri, Badan-Badan Berkanun dan Pihak Berkuasa Tempatan. Oleh yang demikian, UTeM adalah dikehendaki mematuhi pemakaian Surat Edaran ini.
- 4.2 Surat Edaran Pentadbiran ini digunapakai **secara sepenuhnya** dan hendaklah dibaca bersama dengan Lampiran Surat Edaran Jabatan Perkhidmatan Awam (JPA/PEN(S)228/25/11 Klt.2 (1), Pekeliling Perkhidmatan Bilangan 12 Tahun 2005 (Pelaksanaan Sistem Maklumat Pengurusan Sumber Manusia) dan Surat Pekeliling Perkhidmatan Bilangan 4 Tahun 2010 (Pelaksanaan Modul Penamatan Perkhidmatan - Urusan Persaraan Kerana Mencapai Umur 55/56/58 Tahun, Urusan Persaraan Pilihan dan Fungsi Kematian Dalam Perkhidmatan).
- 4.3 Panduan Urusan Faedah Persaraan dan Faedah Terbitan Melalui Modul Penamatan Perkhidmatan Dalam Sistem Maklumat Pengurusan Sumber Manusia (HRMIS) seperti dalam Lampiran Surat Edaran (JPA/PEN(S)228/25/11 Klt.2 (1). Panduan ini hanya dikhususkan untuk tujuan urusan persaraan wajib, persaraan pilihan dan kematian dalam perkhidmatan sahaja.

(Sila rujuk Surat Edaran Perkhidmatan/ Pekeliling Perkhidmatan yang berkaitan di laman web JPA : www.jpa.gov.my)

5.0 PEMBATALAN

- 5.1 Dengan berkuat kuasanya Surat Edaran ini, maka Surat Edaran Perkhidmatan Bilangan JPA/PEN(S)228/25/11 (2) bertarikh 23 Jun 2010 adalah dibatalkan.

Sekian, terima kasih.

“KOMPETENSI TERAS KEGEMILANGAN”

Saya yang menurut perintah,



DATUK HASAN BIN SIRUN

Pendaftar

Universiti Teknikal Malaysia Melaka

/bpsm